


DADE BASA LEDO



Dade anu nibatuasi ri Basa Ledo

Nipovia rapodadeka mantoiya I Pue bo mombasomba I Pue.

Kaili Ledo

Sidera – Sigi- Sulawesi Tengah
Kareba Belo Basa Ledo
9/22/2025

BK 6 Kalau Kulihat Karyatangan Tuhan **“Nambaso mpuu kuasaNa”**

1. Ane kukita pompovia nTupu,
Pura-pura isi nu dunia.
KabarakaNa nikitaku muni,
NikeniaKaNa ante toveNa.

Koor: Jadi nadamba mpuu raraku
Nambaso mpuu kuasaNa. (x2)

2. Ane kubaca isi Buku Gasa
KabarakaNa 'kitaku muni.
Bo berimba 'keniakaNa todeaNa
Nipelisi bo nitulungiNa.
3. Ane kukita riara mpolipaku
Tupu batena nanggeni yaku.
NidekeiNa katuvu nabelo
Bo niampungiNamo dosaku.
4. Ane kurasai Nosa GasaNa
Nokarajaa riara ntaiku,
Le kupakule mombasapuakana
Tapi kuoseaka dotaNa.

BK 9 Mari Bersama Menyanyi

1. Ratoiyatamo Pueta, Nabelo!
Suruga ante dunia, mantoiya!
Pembangumo nyawa-nyawa,
naturu riara dosa!
Marame mantoiya Pue, Nabelo!

Koor: Pue belo! Pue belo!
Kamai kita mantoiya pue, Nabelo!

2. Patolele ri dunia, Nabelo!
Raa Yesus netolosi Nabelo!
Dosata nilalisimo, bongi landa niliposi!
Hitupa ratoiyata Pue, Nabelo!
3. Katuvuta nabarumo, Nabelo!
JanjiNa kana naroso, Nabelo!
Ia mbatulungi kita,
petidombota naroso!
Nasaro nanggeniaka kita, Nabelo!
4. Nau nasusa katuvuku, Nabelo!

Kristus nombadagi seta, Nabelo!
Susa domo nepakaeka!
Yesus ledo mepalaisi!
Popembangu dako ri dayo, Nabelo!

BK 45 Yesus Tuhanku Rajaku yang Mulia

1. Pueku Yesus, Magau ri suruga,
Alatala nte manusia.
Kana kuturusi bo kupotove,
Yesus Magauku nakuasa.
2. Naramba, nagaya, naluo singgani,
Pura-pura isi dunia.
Tapi nelabipa belo Pue Yesus,
Nompakasana raraku.
3. Pueku Yesus nomporea yaku,
Nau riumbapa kukalau.
Naasi mataNa, potoveNa yaku,
PakasalamaNa yaku.
4. Pueku Yesus, nalusu raraNa,
Ledo naria simbayuna.

Leria ri dunia kutoiya mpo Ia
Aga Ia kupotove.

BK 119 Berulang-Ulang

1. Mpenggani-nggani niepeku suaraMu.
Tona natuvu nadosa,
Yesus nompakasalama.
Nitoraku kuasa raaNa
namala mpakali dosa.
Raraku da nonggai.

Koor: Mpenggani-nggani balumba nToveMu
Noili ri sii riara ntaiku.

2. Nasaro talinti pantanondoaku.
Nonggai napari, le'nabia neose.
Lono ntasi tove nTupu,
Nasaro mpakadidi rara.
Raraku da nonggai.
3. Tove nTupuku hitu padagimo.
Nompajadi raraku bate-batena nadamba.
Yaku neloyo riara loloNa,
nyawaku nipegasaNamo.
Domo nonggai raraku.

BK 151 Kupunya S'habat Yang Teguh

1. Naria roaku natantu ,
Nompotove karoku .
Dopame naria yaku, nosisani nte Ia
Yaku 'pou ante tove, bo nangoseaka Ia
Hitu yaku pelisiNa, sampe ri kasaena
2. Naria roaku nabelo
Mbadekei karoNa
Ala maria katuvu, ka kita manusia
Domo kuelo dunia, ledo nepakaosa
Rara, nyawa bo karoku, kudekei ka Ia
3. Naria roaku natantu
Nambaso mpuu toveNa
Nombalenduti nyawaku,
riara nggasusaku
Nau anu daa melava, yaku nijagaiNa
Yaku najadi anaNa, bo Iamo Tupuku.

BK 160 O Selamat yg Luas

1. Natove raraku, nte Komiu, Pue.

Kudekei karoku ka Komiu, Pue.
Nalanga mpo langi, mpompotoveNa kita
Kana potove Ia. (x3) Naasi mataNa.

2. Yesus nokaulu nompotove yaku.
Nipaku ri kayu nantolo dosaku.
Songgo karui nidika ri balenggaNa
Kana potove Ia. (x3) Naasi mataNa.
3. Kana kupotove mamate matuvu.
Da moinosa kutoiya Pueku.
Rakava nggamate kana kutoiya Ia.
Kana potove Ia. (3x) Naasi mataNa.
4. Ane makavamo kita ri suruga,
Ratoiyata Ia sampe ri kasaena.
Songgo bulava raposonggota hamai.
Kana potove Ia. (3x) Naasi mataNa.

BK 188 O, Yesus Kekasih Jiwaku

1. O, Yesus tovea nyawaku.
Komiu mbatolo dosaku.
Nombajaga rarantaiku
Yesus, Komiu toveaku.

Koor: Yesus Komiu toveaku.
Yesus Komiu toveaku.
Aga Komiu nitoraku.
Yesus, Komiu nitoraku.

2. Kasana dunia le'noguna.
Panggita gaya nalipomo.
Tapi roaku Pue naria,
Yesus, Komiu toveaku.
3. O, Yesus, siimo katuvuku.
Aga Komiumo kusomba.
ToveMu mpakadidi yaku,
Yesus, Komiu toveaku.

BK 194 Tiada S'habat seperti Yesus

1. Ledo ria simbayuna,
Belo i Pue Yesus
NiampungiNa dosaku,
Nabelo mpuu raraNa.

Koor: Aga tove Pue Yesus
Nompakabelo yaku.
Aga Ia nompakule

Mbaampungi dosaku.

2. Nau damo ba' berimba,
riara nggatuvuku,
Puemu kusarumaka,
Mbajagai nyawaku.
3. Domo naria Tupuku,
Eva i Pue Yesus.
Naoge mpuu toveNa,
Kutoiya sangaNa.

BK No. 195 TUHAN, Bimbing Hidupku

1. Pue, keniaka yaku.
Neemo masalandala.
Aga riara toveMu,
Yaku masalama.

Koor: Pue Yesus,
Keniaka dala nggatuvuku.
Komiu kusarumaka
manggeniaka yaku.

2. Komiu petalenduku

Tempo poiri rimbo
Yaku ka' nasalama
Singgani nte Komiu.

3. Tempo yaku mamate,
Kangisi paleku, Pue,
Mesua ri suruga,
Katuvuku masana.

BK 226 Ke Tempat Tinggi

1. Suruga ngata nabelo
Ponturo polentoraku
Naoge mpuu raraku
Pue, oretaka nyawaku

Koor: Pue, oretaka nyawaku.
Mapara ri ngayoMiu.
Suruga polentoraku
Pue, oretaka nyawaku.

2. Ledo ria lentoraku
Monturo ri kalandana
Domo naria ntanina
Aga suruga nabelo.

3. Kukabasaka dunia
Kuasa seta kudagimo
Suara malaeka kuele
Raraku jadi nadamba.

4. Suruga ponturo belo
Nevanta reme nagasa
Pue, keniaka nyawaku
Hau ri ponturo nabelo.

BK 227 Kubawa Pada Yesus Hatiku

1. Kukemimo ka Yesus raraku,
Ante pura-pura kasusaku.
Nte Ia kuelo kabelona,
Nte Ia kukava kasana.
Molipa nte Yesus masaro, singgani. 2x

2. Kudekei katuvuku ka Ia,
Ante kasusa nu raraku.
Ane le' toveNa kurasai,
Le' ria guna katuvuku.
Nelabi kabelo, toveNa.
Nelabi kabelo toveNa ka kita.

3. Kuulimo dosaku ka Ia

Ala rapegasa nu raaNa
Nte Ia kukava kasalama,
JanjiNa naroso kukingisi.
Yesus da natuvu nangampuni dosa. 2x

4. Kudekeimo nyawaku ka Ia.
Ala Ia mompakagasana.
Ane kupekiri salibNa,
Kudekei puramo ka Ia.
Nosa Gasa panaumo, gasaimo raraku. x2

BK 273 Di luar Tuhan

1. Ane le' i Pue, yaku le' natuvu,
Nte Ia, nasana yaku.
Kuoseaka i Pue, dunia kuboli.
Hau kuelo tona nalipo.
2. Nau nambaso balumba nte poiri,
Nte bongi nalanda ntoto,
Komiu, Pue, nisarumakaku,
Komiumo petalenduku.
3. Nakuya kupoeaka mbadekei pesomba?
Niuli nTupu ka Yaku,

Isema madota mangoseaka Pue,
Kana rasimbuaka salib.

4. Ri taluaMu, yaku ka' nodade.
Ka' kukingisi salibMu
Haitu najadi sana nu raraku,
Kuasa Pue padagimo.

BK 277 Lurus Dan Sempitlah Jalan

1. Dala nanoa napii bo nasaro natimpo.
Haitu dala masipato raose hau ri suruga.
Tapi a' matutu kita, kana ratarimata
Kabelo nu Alatala ria, sambote dala.

Koor: Sambote dala, naria
Belo nu Alatala
Sambote dala, naria
Belo nu Alatala

2. Ri dala narava haitu, naria katinonto,
Naupa dala navatu bo kasusa nelava.
Dala nasipato hitu, niose i Yesusmo.
RemeNa mbavanta dala hau ri, ngata
belo.

3. Kamaimo kita molipa, ravanta nu remeNa.
Rasimbuakata salibNa ante rarata mpuu.
Pura-pura poviata, manggava karosona.
Kabelo nu Alatala ria, sambote dala.

BK 287 Bawa Injil Yesus

1. Manggeni kareba Yesus ri dunia
Pura-pura ngata mangepe suaraNa.
Kana kapolamo, sampe padagi
Rara nagasamo, kana masanamo.

Koor: Kita kana modade, mantoiya Magauta.
Toposimbuaka silaka, kana masana.

2. Kana rapaketa Guma i Pue
Seta kana radagi, ia malaimo.
Nabia mapola, nemo maeka.
Ante kuasa Yesus, kita padagimo.
3. Sema nombarasai nadea dosana,
Kakavamo nte Yesus, rapakangaaNa.
Oseaka Magauta, mangeva seta
Ratarimata ngena songgo bulavata

BK 310 Meski Jiwaku Dirundung Kesusa

1. Nau nyawaku naria kasusana,
nau nadea pesori,
Nau dalaku nadea nilava,
nadamba nyawaku, nasana.

Koor: Nyawaku, nadamba
Nyawaku nadamba, nasana

2. Naupa seta megoda bo padagimo,
nyawaku kana madamba.
Kuasa i Pue mbalipo ekaku,
nyawaku nadamba, nasana.
3. Nyawaku mompopea Komiu Pue,
hau suruga nareme.
Yaku mantoiya sangaMu Pue,
nyawaku nadamba, nasana.

BK. 327 Yesus Juru Selamat Yang Maha Ajaib

1. Pue Yesus magau nabaraka,
Iamo bulu vatuku
Nte Ia naria uve nagasa,
nasana mpuumo nyawaku

Koor: Yesusmo magau bulu vatuku,
netulungi tempo susa
Riara toveNa nasana nyawaku,
Yesus kingisi paleku 2x

2. Pue Yesus magau nabaraka,
susaku nilalisiNa.
Yaku popeangga ala le'madungga,
batena pakarosoNa
3. Eo-eo yaku nitambaikaNa,
rasi nelabi kaogena
Sampe kutoiya Pue nakuasa,
Iamo kupakaoge.

BK 331 Berpegang pada Perjanjian Rajaku

- 1 Kulingisi pojanji Magauku,
Yaku nadamba mantoiya sangaNa.

Mompakaoge Alatala dotaku,
Kulingisimo pojanjiNa.

Koor: Kulingisi,
Kulingisimo pojanji Alatala.
Kulingisi,
Kulingisimo pojanjiNa.

2. JanjiNa batena kana naroso
Naupa eka nompoponggai yaku
Tesa nTupu mpakaroso raraku,
Kulingisimo pojanjiNa.
3. Kulingisimo pojanji nTupuku,
Yaku nijagai ante toveNa.
Ante Nosa Gasa yaku padagi, Kulingisimo
pojanjiNa.

.

BK 335 Janganlah kau takut

1. “Nemo maeka komiu, Yaku neporoe.”
Haitu janji nTupu bate-batena.
Nau nalanda mpirika, janjiNa naroso,
Pue le' nepalamba, le' palaikaNa yaku.

Koor: Pue ledo nepalaika,
Le' palaikaNa yaku.
Ia ka' neporoa, janjiNa naroso.
Pue le' nepalaika,
Le' palaikaNa yaku.
Ia kana neporoa, janjiNa naroso.

2. Nau bunga naramba, ledo natetida
Reme vanta nu eo, nisambei landa.
Yesus bunga vangi bate-batena.
Mata eo suruga, kana nareme.
3. Dalaku le' natantu, nalenge niepeku.
Ane i Pue napara, yaku naroso.
Malaeka nodade nantiku yaku
I Pue naria ri sinjoriku.

BK 339 Meski Glombang Susah Meliputi

1. Nau susa pari mebungusi,
ka'kutidamaka raraku
Kutesa isi nu pekiriku,
ka Komiu Pue nakuasa.
Komiu petidombo nyawaku,
puna roso bo kabelona.
Yaku tolente nipotoveMu,

ToveMu panjarumakaku

2. Eva Rusa nompaelo uve,
vesia pantoraku Pue
Kenimo yaku hau ri buluna,
manginu uve ri matana
Hitu kuperapi nte Komiu,
ri bulu kutoiya Komiu
Le'daku radagi nu baliku,
kuasaMu mantulungi yaku.
3. Nabaraka mpuu pepotoveMu,
ledo nipalaisiMu yaku
Ulimo kaku ri posambaya,
toveMu ka'kugaribavo
Kudekei karoku ka i Pue,
haitu tanda posukuruku
Pue pajadimo yaku hitu,
anaMu sampe kasaena

BK 344 Tetap Perjanjian Tuhan

1. Batena pojanji nTupu,
Le'ria kabalina.
Tesa naria niuliNa

Sampe kasaena.

Koor: Nau molinja bulu,
Langi tana malipo
Alatala batena,
JanjiNa naroso.

2. Pue nangulika Abram,
“Tingoa laerava,
Mulimu eva betue
Ri langi kadeana.”
3. Sabana inggu i Firaun
Israel nipandasa.
Pue hau nanggeni ira,
Nesua ri Kanaan.
4. Kingisitamo janjiNa,
Riara nggatuvuta.
Betue reme toveNa
Batena nevanta.

BK 345 Tiada lain perlindungan

1. Domo naria ntanina,
Petidombo narosopa.

Aga Pue, Vatu Roso.
Kuparasaya Pueku.

Koor: Vatu Roso, Alatala.
Pandasi bone magero.
Vatu Roso, Alatala.
Pandasi bone magero.

2. Nau nalanda ri dala,
Kukingisi pale nTupu.
Naupa balumba merumpa,
Tupu molenduti yaku.
3. Kukingisimo janjiNa,
Kusarumaka kuasaNa.
Naupa balumba merumpa,
Tupu nomporoa yaku.
4. Ane maupumo tempoku,
Mosintomuka kamate,
Riara nggasusa raraku,
Kusarumaka Tupuku.

BK 373 Bila Jaman Ini Lalu Pada Hari Kiamat

1. Ane tempo hitu malipo ri eo kiama,
Malaeka mantavusi tabuena.
Ane kamagaua nTupu matiku pura tona,
Bo sangaku nge' raronde, "Naria!"

Koor: Ane sangaku raronde,
Ane sangaku raronde,
Ane sangaku raronde,
Ane sangaku raronde, "Naria!"

2. Manggava eo nabelo maria pura kita
Matuvu singgani-nggani nte Pue.
Masiromu ri suruga, banua kasaena
Bo sangaku nge' raronde, "Naria!"

3. Mpadondo sampe nggovia kita
mokarajaa,
Bo mantesaki kaoge toveNa.
Ane maupumo ngena bagota ri dunia,
Bo sangaku nge' raronde, "Naria!"

Lagu Natal

BK 391 Dalam kandang

1. Ra gimpu binata Pue nipoanaka
Magau suruga najadi manusia.
Betue nompino, nareme singgani. (2x)
2. Hitu nakavamo topoevu mbasomba
Magau suruga, Ana potovea.
Magau suruga, kana ratoiyata. (2x)
3. Ngata nakavao, betue nompino.
Nanggeni topande manggita Magau.
Mombasomba Ia, kenimo pesomba. (2x)
4. Kita muni hitu, mamala madamba
Manggeni pesomba, tantu raalaNa.
Dekeimo karomu nte gasa raramu. (2x)

BK 393 Dengar Malaikat

1. Epemo niuli malaeka
Yesus nipoanaka.
Posinggabelo ri dunia,
Kita nipotoveNa.
Kamai pura-pura kita

Mangoseaka dotaNa
Madamba nte malaeka \
Kristus jadi manusia. / 2x

2. Anu rasomba ri sur'ga,
Kristus, Pue Maoge
Nakavamo ri dunia
Nevali manusia.
Betlehem pompoanaka.
I Manuel sangaNa.
Nosanggani nte kita \
Mbaampungi dosata. / 2x
3. NipalaisiNa suruga
Mpakasalama kita.
Ala pura-pura tona.
Rapajadi anaNa.
Magau mompakasana!
Ampungi yaku nadosa.
Magau nanggeni reme. \
Ka pura-pura tona. / 2x

BK 395 Malam Kudus

1. Bongi belo, nalino mpuu

Isi dunia nenonto.
Tina-tuama nanjarumaka
Tupu manggeniaka ira.
Ngana kodi naluru,
Rasi dako suruga.

2. Bongi belo, nalino mpuu,
Betue nompino.
Malaeka nodade nadamba,
Haleluya, toiyamo Tupu!
Kristus nipoanaka! 2x
3. Bongi belo, nalino njii,
Betue nompino.
Yesus puna posinggabelo
Ka pura-pura manusia.
Magau nipoanaka
Topepakasalama

BK 396 Malaikat, Malaikat

1. Malaeka, malaeka ri suruga
Nakava ri dunia
Modade tove suruga ka tona nadosa.
Somba Ia (2x) nompotove manusia.

2. Reme nesuvu 'ko ri gimpu
Betlehem nevanggamo.
Njumangu isi dunia, somba Yesus
Tuputa.
Somba Ia. (2x) Topepakasalama.
3. To nadosa kajeamo.
Peinta vamba suruga.
Isema nomparasaya mesua riarana.
Somba Ia. (2x) Nompotove manusia.
4. Riara suruga nalanga
Malaeka nodade.
Kita muni metuntuni mombatoiya
sangaNa.
Somba Ia. (2x) Magau ri kalangana.

BK 397 Marilah semua

1. Kamai puramo, ante damba rara.
Kamaimo, kamaimo hau ri Betlehem.
Kamai manggita, manggita Magauta.
Kamai sombamo Ia, kamai sombamo Ia,
Kamaimo kita mosomba Pue Yesus.
2. Nodade malaeka, nodade nadamba,

Nodade puramo isi suruga.
Toiyamo TUPU nonturo kalangana.
Kamai sombamo Ia, kamai sombamo Ia,
Kamaimo kita mosomba Pue Yesus.

3. Yesus nipoanaka ri eona hitu,
Kamaimo rapakaogetamo Ia.
TUPU nombali najadi manusia.
Kamai sombamo Ia, kamai sombamo Ia,
Kamaimo kita mosomba Pue Yesus.

BK 399 Para Gembala

1. Topoevu ri karava
Nojaga bimbara.
Bongi haitu malaekana
Nanau ri tatangara.

Ref: Kareba Nabelo! (2x)
Niken nu malaeka ri Efrata (2x)

2. Pangulina, "Nee maeka,
Kukeni kareba
Nombadekei kabelona
Ka njumangu dunia."

3. “Nipoanaka ka komiu
Riara ngata i Daud
Yesus nepakasalama
Koi sombamo Ia.”

4. Ri purina surodadu
Malaeka ‘ko ri suruga
Mbatoiya Pue nakuasa
Hitumo dadena:

5. Ratoiyata Alatala
Nonturo kalangana.
Manusia nadamba-damba
Mabelo katuvuna.

BK 400 Puji Allah

Toiya i Pue! Toiya i Pue!
Ri suruga, ri suruga, ri suruga!
Posinggabelo, posinggabelo
TUPU nte kita manusia!
Toiya i Pue ri suruga!
Toiya i Pue ri suruga!
Posinggabelo (x4)
NidekeiNa, nidekeiNa ka manusia,
NidekeiNa ka manusia, ka manusia.

Toiya i Pue, toiya i Pue!
Ri suruga, ri suruga, ri suruga!
Posinggabelo, posinggabelo,
TUPU nte kita manusia!
Amin, Amin.

BK 407 Atas Bukit Yang Jauh

1. Bulu nakavao, naria kayu salib, Pepandasa
nepakaeya.
Pue namatemo, nanjambei kita,
Pura-pura manusia.

Koor: SalibNa kana kupotove,
Sampe kukita Alatala.
Kana kupotove salibNa,
Sampe kukava makotaku.

2. Nau salib haitu rasalai ntona,
Kana nabelo ka yaku.
Ana potovena boliNa suruga,
Sabana dosa manusia

3. Ri kayu salibNa natiti raaNa,
Namate nanjambei kita.
Kandasana haitu, nombatolo kita,

Nompakalali dosata.

4. Le' kukabasaka kayu salib haitu,
Naupa yaku rapandasa.
Ane kuingisi, maria kukava
Makotaku ri suruga.

BK 422 O, Kesukaan Yang Baka

1. Kadamba nabelo ntoto,
Kristus ante kuasaNa,
boliNa dayoNa.
Kamai kita mpatolele,
Pue natuvu mpanjili,
seta nidagimo.

Koor: Natuvu, natuvu, 'nisaniku Pue natuvu
Natuvu, natuvu, 'nisaniku Pue natuvu

2. Yesus mbadagi kamatea,
Ri eo nikatuvuNa,
DekeiNa katuvu belo.
Tona natutu neose,
Kana manggava padagi,
Yesus pakenina.

3. Dayo domo nepakaeka,
Kita natuvu nte Pue,
Yesus kana naria.
Dunia kana malipo,
Kuasa katuvu batena,
Mpakaroso rara.

BK 431 Tanam Waktu Pagi

1. Nituda mpadondona, savua tovea Alatala
Nituda tanga eo nte nggoviana.
Popea masoreaka makava tempona
Ri pesoreaka kita madamba.

Koor: Kita madamba manggeni mpanjili
Asele nyawa-nyawa hau ri
suruga.
Nau nalente, i Pue nakuasa
Nantulungi kita makava nte Ia.

2. Nituda pane eo, nituda tempo naongo,
Le naeka nauda nte poiri rimboso.
Ri tempo mosore, kita menontomo,
Manggeni asele hau ri suruga.

3. Nau ante tangi, notuda ka i Pue,
Nau rara masusa ante nantamo
Damo i Pue mantomunaka kita
Kita madambamo riara suruga.

BK 435 Trima kasih

1. Trima kasi pura-pura
Anu nidekei nTupu,
Ante rasi naoge mpuu
Ante pepotoveNa.
Trima kasi nariareme
bo naria bongi landa.
Trima kasi ante Tupu
Anu kana naria.
2. Trima kasi naria dota
bo naria kasana
Trima kasi naria susa
bo naria pesori.
Trima kasi kaluona
bo mata eo muni.
Trima kasi naria bunga
bo naria timpo muni.

3. Trima kasi, O Pueku,
pura-pura dekeiMu
sabana pepotoveMu
masipato ratoiya.
Trima kasi kuasaMu.
Yaku naria nte Komiu,
batena nijagaiMu
Trima kasi puramo.

“Katuvuata”

Katuvuata manusia ri dunia
Nosese eva bunga-bunga.
Naeo mpadondo nabelo karambana,
Nanggoviapa nalele puramo. (x2)

Uatu tasi domo masae,
Dunia muni kana magero.
Kita mompaelo suruga
Ngata ledomo naria kasusana.

Katuvuata manusia ri dunia
Nosese eva bunga-bunga.
Naeo mpadondo nabelo karambana,
Nanggoviapa nalele puramo.

Uatu tasi domo masae,
Dunia muni kana magero.
Kita mompaelo suruga
Ngata ledomo naria kasusana. (x2)

Kita mompaelo suruga
Ngata ledomo naria kasusana.

“Ka Komiu kudekei katuvuku”

Ka Komiu kudekei katuvuku.
Nisaniku komiu metulungi.
Leria Tupu katuvuku le noguna
Leria Tupu katuvuku le noguna.

Kutoiya Tupuku ri suruga.
Kutende sangaMu, O Tupuku.
Eva pepotoveNa ka yaku.
Eva popotoveNa ka yaku.

Nompotove nte nipeili ka ira sampesuvu
Ante pepotove ka kita
Pura todeaNa. Nompakasalama kita pura.

“Noili Uve mata”

Noili uve mata nantora tempo nggaulu
Natuvu ri kalandana.
Nanjoso mpuu raraku
Nakuya pura hitu
Najadi ri katuvuku.

Ri sii yaku nakavamo, Tupu.
Yaku napakasi, yaku nalipo.
Merapi ampu nte Komiu.

Ri sii kusarumakamo, Tupu
Tove nagasa, reme nagaya.
Manggeni polipa katuvuku.

Yaku mojanji (x2)
Nte Komiu, Tupu. (x2)
Katuvuku molipa aga ri dalaMu.

“Kaimo kita modade”

Ri tempo ku molipa
Kukenimo sangaMu.
Topetulungi nabelo.
Nasana rara hitu ante pekeniakamu.
Novia katuvuku najadi nabaru.

Kaimo kita modade (x2)
Mantoiya sangaNa.
Nambaso mpuu tovena
Riara nggatuvuku ri kasae-saena

Tupu tarimamo pesomba kami

Ante mpuu-mpuu nte Komiu
Tarima Tupu
Ante pepotovemu
Ante belo nu raramu.

.

Epe suara nTupu (Dengar suara Tuhan)

Epe suara nTupu, batena nalusu,
PorondeNa kita, batena nalusu.
Oseakamo Tesa nTupu ante gasa
raramu.
Poronde nTupu batena nalusu.
Dekei karomu ka Tupu,
sampesuvuku,
Oseaka Tupu batena nalusu.

I Pue mobuka dala (Tuhan membuka jalan)

Nisaniku i Pue mobuka dala.
Nisaniku i Pue mobuka dala.
Asaa kuose Ia
Le kuoseaka dunia,
Nisaniku i Pue mobuka dala.

Lako ri pebonda eo (Dari terbit matahari)

Lako ri pebonda eo, sampe ri
kasolona,
Sanga nTupu kana ratoiya.
Lako ri pebonda eo, sampe ri
kasolona,
Sanga nTupu kana ratoiya.
Toiya Tupu! Toiya Tupu!
Lako ri pebonda eo, sampe ri
kasolona,
Sanga nTupu kana ratoiya.

Yesus batana (Yesus pokok)

Yesus batana, kitamo tingguna,
Mosangu rara nte Ia.
Yesus batana, kitamo tingguna,
Mosangu rara nte Ia.
Yesus batana, kitamo tingguna,
Mosangu rara nte Ia.
Tantumovua madea.

Yesus potove yaku, iko
kupotove, Ia mupotove.

Kamai kita madamba-damba (Bersukaria)

Kamai kita madamba-damba,
Eo hitu nipodambata.
Masiromu mosangu rara,
Toiya Tupu Topemandu ta.
Sapa pale, rara nadamba,
Kabasaka rara nasusa.
Pue Yesus nanguli
Katinonto radekeiNa
Kamai kita madamba-damba!

Koor Doa

Buka Tingkap dari Surga

Pue, ungge vamba suruga.
PopanauMiu Nosa Gasa.
Tulungi yaku majadi
BatuaMiu naede rara.

Allah Kuasa Melakukan Segala Perkara

Nambaso mpuu kuasaMu
Ri dunia hitu.
Nambaso mpuu kuasaMu,
NipajadiMu dunia ante isina.

Nambaso mpuu kuasaMu.

BK 105 Aku bersukacita dalam hatiku

Nadamba mpuu-mpuu riara
ntaiku,
Riara ntaiku, riara ntaiku.
Nadamba mpuu-mpuu riara
ntaiku,
Toiyamo Yesus.

BK 191 Tuhan Yesus tidak berubah

Pue Yesus ledo nabali
Ledo nabali, ledo nabali.

Pue Yesus ledo nabali
Le' nabali sampe kasaena.

Yesus NamaNya

Yesus sangaNa, Yesus sangaNa,
Yesus sangaNa, kupotove Ia.
Kusomba Ia, kukaparai
Yesus sangaNa, kupotove Ia.

Tesamu eva poindo ka yaku

Tesamu eva poindo kayaku,
Nompopevanga dalaku 2x
Tempo yaku naipu bo nasalandala,
Batena komiu ri sinjoriku
Yaku ledο maeka
Ane koMiu nte yaku
Ante yaku sampe kasaena

Nabelo mpuu koMiu Pue

Nabelo mpuu Komiu Pue
ToveMu ledο ria kaupuna
Nambaso mpuu toveMu Yesus
Nyawaku nipakasalama

Hosana, kutoiya Yesus
Hosana, kutoiya Yesus
Hosana, hosana, hosana

Naria tempo nidekei nTupu

Naria tempo nidekei nTupu
Rapaketa mōkaraja ka Ia
Nemo rapakarugi, tempo nidekeiNa

Katuvuta aga sampalai

O Pue pakemo katuvuku
Tempona yaku danaroso
Ane makava tempona
Yaku malentemo
Katuvuku nariumo gunana

Naria tempo nidekei nTupu
Rapaketa mōkaraja ka Ia
Nemo rapakarugi, tempo nidekeiNa
Katuvuta kana maria gunana

